



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tribunal Poenitentiæ Sev Libri Dvo Prior De Poenitente Ut  
Reo Posterior De Confessario Ut Judice**

**Stoz, Matthäus**

**Anno M.DC.LXXXIX.**

Frequens Communio.

**urn:nbn:de:hbz:466:1-37144**

Qui acervat injustè, aliis congregat; & in bonis illius alius luxuriabitur. *ibid.* v. 4.

149. *Contra Invidiam.* I. An oculus tuus nequani est, quia ego bonus sum (benefaciendo his vel illis) inquit Christus *Matt. 20. v. 25.* II. Invidiâ Daboli mors introivit in orbem terrarum; imitantur autem illum, qui sunt ex parte illius. *Sap. 2. v. ult.* III. Putredo osium invidia. *Prov. 14. v. 30.* IV. Væ illis, qui in viam Cain (fratri suo divinam gratiam invidenter) abierunt. *Epist. Jude v. 11.* V. Ubi Zelus & contentio, ibi inconstancia & omne opus pravum. *Jacob. 3.*

150. *Contra Iram.* I. Omnis qui irascitur fratri (seu proximo) suo, reus est Judicio. *Matt. 5. v. 22.* II. Zelus & iracundia minuant dies (vitæ) & ante tempus senectutem adducunt cogitatus (iracundi) *Eccl. 30. v. 26.* III. Ne sis velox ad irascendum, quia ira in sinu stulti requiecit. *Eccl. 7.* IV. Relinque (dimite) proximo tuo nocenti te; & tunc deprecantib[us] peccata solventur. *Eccl. 28. v. 2.* ubi de hac re plura.

151. *Contra Luxuriam.* I. Qui talia agunt, regnum DEI non consequentur. *Gal. 5. v. 21.* II. Corpora vestra membra sunt Christi; tollens ergo membrum Christi faciam membrum meretricis? membra vestra templum sunt Spiritus Sancti; & non estis vestri. *1. Cor. 6. v. 19.* III. Pars illorum (Luxuriosorum) erit in stagno, ardentiigne & sulphure; quod est mors secunda. *Apoc. 21. v. 7.* IV. Ignis est Luxuria usque ad perditionem devorans, & eradicans omnia genimina. *Job. 31. v. 12.* V. Qui seminat in carne, de carne & metet corruptionem. *Gal. 6. v. 8.*

Corruptionem scilicet in corpore, animâ, famâ, & fortunis.

152. *Contra Gulam.* I. Omnis labor hominis in ore ejus, sed anima ejus non implebitur bonis. *Eccl. 6.* II. Quorum Deus venter est, gloria in confusione ipsorum. *Philip. 3.* III. Propter crapulam multi obierunt; qui autem abstinent est, adjicit vitam. *Eccl. 27.* IV. Ebrietatis animositas (est) imprudentis offensio, minorans virtutem, & faciens vulnera. *Eccl. 31. v. 40.*

153. *Contra Acediam.* I. Omnis piger semper in egestate est. *Prov. 21. v. 5.* II. Multam malitiam docebit otiositas. *Eccl. 33. v. 29.* III. Maledictus, qui facit opus Domini fraudulenter (per negligentiam aliquid subtrahendo) *7erem. 48. v. 10.* IV. Regnum cœlorum vim patitur, & violenti rapiunt illud. *Matt. 11. v. 12.* V. Qui timent pru-  
nam, irruet super eos nix. *Job. 5. v. 16.* VI. Omnes palmitem, in me non ferentem fructum, tollent eum. *Joan. 15. v. 2.* & in ignem mittent, & ardet. *v. 6.* VII. Inutilē servum ejicite in tenebras exte-  
riorēs, illuc erit fletus & stridor dentium. *Matt. 25. v. 30.*

### §. III. Industrie pie.

154. Multas, easque valde utiles passim exhibent Magistri vitæ spiritualis. Sed sicut non omnes eadem medicamenta ju-  
vant contra eosdem morbos corporis; ita nec omnibus contra eosdem morbos ani-  
mi prosunt eadem industriae.

#### Frequens Communio.

Et verò præstantissima omnium est  
frequens Communio. Nam juxta effa-  
tum

tum S. Mariae Magdalena de Pazzis, & communem SS. PP. sensum, vel una tantum Communio bene facta sufficit ad animam faciendam perfectam; nihilominus tamen cum admiratione videmus & dolemus, plurimos post Panem vite frequenter sumptum adhuc spiritualiter mori, vel graviter ægrotare; & post comedum multoties Agnum DEI adhuc cum lupis ululare. Nempe, qui manducat & bibit indignè, judicium sibi manducat & bibit. 1. Cor. 11. v. 29. Indignè autem (quod benenotandum) manducat & bibit non tantum ille, qui velut Judas cum peccato mortali sumit; sed etiam quivis alius, *Qui*, ut loquitur S. Bonaventura, *tepidè, indevote, & inconsideratè sumit*, absque debita præparatione, & maximè si peccet in ipsa sumptuione saltem venialiter, vel habeat vigentem affectum ad peccatum aliquod veniale. Et sanè multi graves Doctores apud Tan. Tom. 4. Diff. 5. q. 8. n. 57. & 58. quamvis contra communem, volunt virtutem, fructum & effectum SS. Evcharistiæ, seu augmentum gratiæ sanctificantis propter ea omnino impediri. Satis autem certum est, ratione Communionis tam indecenter peractæ, sicut ex opere operantis, ita & ex opere operato non magnum augmentum gratiæ percipi; cùm Sacra-menta, sicut cause naturales, plus vel minus operentur pro majore vel minore dispositione subjecti. Quidquid jam sit de hac Quæstione: an ita communicare sit peccatum-veniale; de quo vide l. 1. p. 3. n. 315. Adde, per primum peccatum mortale, à quo multi secularium, præsertim sacra irreverenter tractantium non diu abstinent, statim iterum paulò antè acquisi-

tam gratiam sanctificante amitti enacum omnibus auxiliis actualibus, quibus ad meliorem vitam excitari, & adjuvar potuissent, & debuissent. Imò eos, qui frequenter communicant, & identidem per peccata mortalia ex gratia excidunt, valde credibile est, inquit Tan. l. c. n. 60, malè dispositos, adeoque indignè communicare, & nullum fructum reportare. Vide Nicol. Lancicum tom. 2. opusc. 14. cap. 13. Hinc ergo est, quod, etsi SS. Evcharistiam sumamus, adhuc tamen, ut S. Paulus l. c. dolendo scribit, *inter nos multi sint infirmi ad declinandum à malo; multi imbecilles ad faciendum bonum, & dormiant multi somnum mortis, etiam corporalis, ante tempus inflectæ, in pœnam indignæ sumptionis.*

#### Frequens Confessio.

155. Confessio frequens plurimè prodest ad sanandos etiam in veteratos animi morbos; sed ad hoc requiritur in primis, ut pœnitens faciat eam constanter apud unum; quia variatio Confessorum, ut Medicorum, plerunque est ægris dannosa. Deinde ut eam apud unum faciat libenter; quia alioqui timendum est, ne si invitus sit, quandoque faciat sacrilegè. Certè etiam illi, qui per directionem ordinarii sui Confessorijam bene profecerunt in extirpatione alicujus viti, si postea fortè iterum circa id delinquent gravius, non raro valde horrent, se de illo apud eum accusare. Ut proinde Confessorius, sicut neminem, qui vult ipsi confiteri, facile debet à se repellere; ita etiam neminem, qui non sponte sua venit, debeat facile ad se atrahere. Multò minus debet unquam,

vel